

高上玉皇本行真經卷

風陵文庫

文庫19

F260

35

40

45

50

55

60



民國十二年癸亥中秋  
長沙聚仙文社重校刊

金闕至尊玉皇上帝降序

本行集經者乃叙朕出身履歷之  
由與歷劫修證之實。頒自天宮行  
於下土。無容爾凡民妄更一字。亦  
不容爾僧道亂諱一辭者也。惜行  
世已久。刊刻多訛。傳授非人。乖偽  
殆甚。金章玉字。因而失傳。雲篆洞  
章。從此盡錯。偽經頒布。真經失傳。

玉皇降序

一 聚仙文社

玉帝降序  
屢欲較正。難得其人。昔者如琪華子。參較合參。承命傳筆。然經功浩大。鸞筆傳書。究有訛錯。不盡善美。自此而後。再無其人。幸關卿設立宣講。開降像一法。使人神晤對。當面示言。真功蓋寰宇。德齊覆載者也。而玉成諸子。舍身救劫。為關呂文昌保舉。闡教秦中。著書勸世。因

命侍筆傳言。訂正訛偽。添註失落。嗚呼。真經昭日月。帝道運乾坤。轉大法輪。傳靈寶法。千秋萬世。始有真經可誦。始有真經可持。三教人等。可證仙真。無量眾生。亦得超拔。其功何大。其德無邊。如有僧道兩門。不信真經。而信俗本者。將來打入無間地獄。永世不得超昇。或有

學士文人。執定儒書。謗毀此經。令其功名永墮。身落三塗。一切狂妄。梗頑。見誦經而不敬。覩皇壇而戲侮。俱打入無間地獄。不準超昇。若有謗諸子。自作聰明。塗改玉經。假冒神聖者。亦打入無間地獄。永世不準超昇。嗚呼。黃道大吉。正法興隆。日月經天。江河行地。誠古今來。

一大元會。一大奇局。休矣美矣。讚歎難窮。

瑶池內苑王母娘娘降序

大哉靈文。妙哉寶經。生天立地。統  
古御今。包羅萬象。流煥法輪。日月  
交合。天地開清。

聖朝啟瑞。真道乃行。金書玉篆。運御  
乾坤。從古以來。無此緣因。吾特親  
較。訛偽辨真。字字玉篆。言言龍文。  
自此以後。始見原本。經傳下界。好

三五降序  
好奉行。慎重珍秘。勿傳非人。長松  
刻板。會中藏經。丙子而後。刷印頒  
行。以助有道。天清地甯。國安家泰。  
枯骨更生。功德包古。元會蓋今。慎  
之慎之。勿傳非人。

元始天尊降序

善哉善哉。妙極安排。三千甲子。早  
已分派。開皇元年。經說上界。清微  
天宮。此緣不再。宣出吾口。

王母錄之。藏於金匱。玉匣鎖之。此一部  
經。寶之秘之。侍側記者。有六百人。  
各發宏誓。下界傳經。無奈聽訛。終  
有不真。又無書籍。鳥獸龍文。聽訛

傳訛失卻真經。聖人出世。創作字  
跡。易為文章。以便誦習。一時抄錄  
其中有訛。錯了又錯。多而又多。自  
後刻板。更又傳訛。謄錯寫錯。翻訛  
刻訛。真經失傳。實莫奈何。是吾頒  
旨。勅諭文帝。爰命較經。諸子傳筆。  
三日考較。神傷氣散。寢不成寐。功  
善難完。大哉。

道祖魏乎

王母取出真經。來對訛錯。字字無偽。句  
句有著。三龍而後。甲子當興。諸天  
慶會。吾道乃行。真經三卷。務要寶  
珍。勤修奉者。昇位玉京。能發刻者。  
備位仙卿。慎之慎之。必敬必敬。慢  
了真經。如慢

玉皇。惟有此罪。最怒上蒼。三官考校。罪



孽難當。小心小心。珍藏珍藏。

太上老君降序

大道無言。借經以傳。真經協運。按時以頒。夫本行集經。純叙

玉皇履歷。備述

上帝修行。演於

元始金口。錄於

王母御筆。遐想其時。開皇首歲。升證

帝位。傳演尊經。為儒釋道三教之骨髓。

作上中下三元之璣璇。天上地下。莫不欽尊。古往今來。誰敢更易。無奈行世已久。刊刻多訛。傳授非人。乖偽特甚。久欲較正。不得其人。往者漢代天師。前後註解。然分章訂正。箋註引疏。一時侍筆者。不無恍惚。謄刻者。佐以訛錯。究未能一字無訛。三品妥協者也。今玉成諸子。

有志較經。同興宣講。為武聖所寵隆。執筆傳書。為

上帝所旌賞。三清勅命。文帝較經。而金匱玉經原本。始得行於下界矣。嗚呼。言言珠玉。字字龜著。河洛古圖。難倣其妙。金經周易。莫與等倫。誦持者。名列丹臺。刊刻者。位昇紫府。功德無量。感應無窮。是所望於樂

善仁人。捐貲成美。則真經不致湮沒。亦天地古今大奇緣也。謹序。

關聖帝君降序

天地事皆可以偽。而理則獨真。古今事皆可以偏。而義則獨正。執此以衡。莫之或爽。如本行集經。乃吾

皇無量度人。現身說法。宣於元始。演於

道祖。為玄門中第一部尊經。為道藏內第一篇妙理。融三教之微言。傳萬聖

之心法。至尊至貴。莫與等倫。大聖  
大慈。尊無二上。天子奉之。四海干  
戈永息。諸侯奉之。一國人民壽考。  
仕大夫奉之。一家老少安甯。士庶  
人奉之。一身災消病滅。三教人奉  
之。為聖為佛為仙。億萬姓奉之。卻  
病延年益算。猗歟休哉。魏乎煥乎。  
誠古今來一大元會。天地間一大

奇局。顧可錯也。何容偽也。乃年火  
而後。人心尚怪。三龍以後。世道日  
非。視真經為勢利之資。將道法作  
惑人之術。若不訂正。遺害後人。今  
日者

皇詔頻頒。

文昌親較真經始出。中天開皓月之光。  
正法興隆。大地沐陽和之暖。然僧

道兩門。乖僻實甚。儒宗士子。狡滑多端。狂妄梗頑。邪僻已極。雖有真經。反以為偽。縱云正法。定謗為邪。要之人可假。神可假。道理不可假。義禮不可邪。千秋萬世。必有奉吾皇真經。永為鎮國之寶。康民之資也。  
臣關羽稽首頓首百拜謹序

文昌祖合降序

千經萬典。必有其根。眾聖萬靈。豈無所主。根何在。玉經是也。主何人。玉帝是也。

玉帝本三千億劫之修證。放一十七天之光明。證位萬天。推尊三界。

元始敷命。

王母執筆。三天啟瑞。

文昌降序

五老頌章言言是玉律金科。字字秘圖。書河洛。三教聖真。從此經修證。十方大帝。惟此經皈依。天地古今。賴此經運化。星辰日月。得此經發光。山海江河。仗此經流蕩。休矣美矣。魏乎煥乎。信所謂皇道蕩蕩。正法興隆。傳於下土。安民鎮國。旋乾轉坤者也。無何歷經刊刻。訛者實多。

間附諱文。錯者不少。若不較正。真經失傳。選擇久之。得玉成宮諸子。同興宣講。為

武帝之功臣。執筆較經。作吾

皇之梁棟。參修數載。考證多朝。真經告成。永垂法守。但人神恍惚。鸞筆間。有所不能。氣息益虛。乩沙亦因之失事。

太上道祖大發慈悲哀懇

帝后攜經對較玉匱重啟真經乃出今而

後千秋萬世永奉此為準繩億萬

兆民咸賴此為索鑰懸之都門誰

敢增減行之

王國莫不尊從誠古今不易見之事

天地難再遇之奇也臣張仲呂崖

稽首頓首百拜謹序

### 高上玉皇本行集經法戒

#### 持經諸戒

經云若有眾生孝養父母恭

敬三寶竭忠於君不殺不盜

不淫不妬不嗔不恨不驕不

詐奉戒持齋。冥心皈依大道。  
生尊重心。持誦是經。我即勅  
下周流沙界。徧傳十方無極  
世界。勅命十方萬聖覆護。此  
玉帝寶訓。持經之人。即當遵奉。

經又云。若有邪見。愚執惡人。  
覩持是經。生諸惡逆。偏眼邪  
視。乃至起一惡心。發一惡言。  
謗讟如是。持經之人。其罪深  
重。命過之後。墮大地獄。永無



皇經法苑  
出期至。若在世男女得遇。是經。不生敬仰。穢手污觸。葷口讀誦。牀榻不淨。便將安置。或誦是經。講習俗語。共同戲笑。以為常典。如是之人。命過之

後墮無間獄。永無出期。殃延宗祖。受拷。酆都累及後世。害遺子孫。是人於地獄中。歷無量劫。受大苦惱。縱遇聖教。屢承救拔。罪惡少減。又遇上聖

殊恩。得出生。餓鬼中。歷千萬劫。不聞漿水之名。鬼報得盡。生畜生中。畜生報已。若生人中。更生邊夷外域。而復女身。貧窮困苦。癯殘百病。受無量苦。人所棄擲。求生不得。求死不得。輕斯經故。獲罪如是。此天尊寶訓。更當奉戒。

持誦禮法

一造帝尊像

二斷絕葷茹

- 三 停止俗事。
- 四 設淨牀榻。
- 五 着新淨衣。
- 六 沐浴盥手。
- 七 屏棄邪思。
- 八 注想尊容。
- 九 審証字語。
- 十 調聲正氣。
- 十一 研味意義。
- 十二 生尊重心。

凡誦經者。當遵奉前持誦諸戒。必先齋沐盥漱。嚴整衣冠。至心誠意。絕念忘情。於淨室中。思真如對。或北面長跪。或東向端坐。後以淨水洒內外。念神水解穢。天尊四聲。然後念咒朗誦。

### 淨心神咒

太上台星。

驅邪縛魅。昧

智慧明淨。

三魂永久。

淨口神咒

應變無停。

保命護身。

心神安甯。

魄無喪傾。

丹朱口神。

舌神正倫。

羅千齒神。奔

喉神虎賁。

心神丹元。

吐穢除氛。

通命養神。

卻邪衛真。

氣神引津。

令我通真。

思神鍊液亦

道炁常存。

淨身神咒

靈寶天尊。

安慰未身形。

弟子魂魄。

五臟對玄冥。

青龍白虎。

隊仗對紛紜。

朱雀玄武

侍衛我真。

安土地神咒

元始安鎮。

普告萬神。

嶽瀆真官。

土地祇靈。

左社右稷。

不得妄驚。

回向正道。  
各安方位。  
太上有命。  
護法神王。  
皈依大道。

內外澄清。  
備守壇庭。  
搜捕邪精。  
保衛誦經。  
元亨利貞。

淨天地神咒

天地自然。  
洞中玄虛。  
八方威神。  
靈寶符命。

穢氣分散。  
晃朗太元。  
使我自然。  
普告九天。

乾羅怛那

達羅

斬妖縛邪

合

中山神咒

持誦一遍

按行五嶽

洞罡太玄

剛

度人萬千

元始玉文

卻病延年

八海知聞

魔王束手

侍衛我軒

凶穢消散

道炁常存

金光神咒

天地玄宗

萬炁本根

廣修億劫

證吾神通

皇經不咒  
三界內外。  
頂有金光。  
視之不見。  
包羅天地。  
誦持萬遍。

惟道獨尊。  
覆映吾身。  
聽之不聞。  
養育羣生。  
身有光明。

三界侍衛。  
萬神朝禮。  
鬼妖喪膽。  
內有霹靂。  
洞慧交徹。

五帝司迎。  
役使雷霆。  
精怪亡形。  
雷聲隱鳴。  
五炁騰騰。



金光速現。

覆護真人。

祝香神咒

道由心學。

心假香傳。

香爇玉爐。

心存帝前。

真靈下盼。

仙旆臨軒。

今臣關告。

徑達三天。

集靈神咒

琳琅振響。

世界肅清。

河海靜默。

山嶽吞雲。

五靈合炁。

三辰吐芬。

昊天勅命  
十方大帝  
率領部眾  
神王侍衛  
鬼精滅爽

召集羣真  
兵馬紛紜  
環列壇庭  
威將隨臨  
邪魔摧傾

天無雜穢  
空明洞慧

地鮮妖氛  
上達玉京

至心皈命禮

至字今世俗本概作志字  
不知志字指心之所之言

此至字乃一心不二之義  
凡至心皈命禮皆宜從此

玉清聖境清微天宮  
鬱羅蕭臺

皇經聖言  
之中森羅淨靈弘之上現有為之  
梵相具無極之神通敷演真玄  
破無有色空之礙振拯提趣類絕  
智愚高下之分妙用難窺靈機  
罔測大悲大願大聖大慈無量

度人元始天尊

凡念聖誥至誦聖號處  
宜焚表一拜禮後做此

至心皈命禮

上清真境禹餘天宮紫微瓊臺  
之中玄都玉京之上接元始虛  
皇之統系超西那玉國之根苗

入黍米珠。盡挹真玄之精粹。在

香林苑。屢談秘要之諦詮。妙德

二字音訛也。當從諦詮。蓋筌以網魚。蹄以羅兔。講不去。指語諦言。詮出自道祖。故從此。

難思神通。莫擬大悲大願。大聖

大慈無量度人靈寶天尊。

至心皈命禮

○大字世本作大。當從大。大赤者乃正午之位。道祖所居也。

太清仙境。太赤天宮。巍巍金闕

之高。渺渺瓊霄之上。降生於無

量數劫。說法於萬二千年。五千

年字。按大元會。以三苗六千年為度。道君自開闢。至周累朝出世。正應氣運一萬

秘言。融三才之妙道。八十餘化

二千年。且化字世本作度字。不妥。當是化字。細參自明。

接六趣之眾生。聖德崇高。玄功

廣博。大悲。大願。大聖。大慈。無量。

度人。道德。天尊。

世本作降生。按降生。生生不息之義。道祖元始靈寶道德尊為三清。當從道德。

至心皈命禮

妙有真境。彌羅上宮。曩示現國王之身。即根本帝尊之質。始相

湛寂實至。玄至妙以難言。嗣位

繼傳。妙無等無倫。而相踵聖父

之慈悲。父至尊之最上尊。稱讚

難窮。皈依莫盡。大悲大願。大聖

大慈。光嚴妙樂。國王聖父天尊。

皇極經世一  
至心皈命禮

妙有真境。彌羅內宮。慈顏烜春。  
日之和。懿範凜秋。霜之肅。純全  
梵炁。先天地以素存。化現妙身。  
歷后妃而示應。具一炁胚胎之

始。寓帝身生化之殊。萬化祖根。  
眾生慈母。大悲大願。大聖大慈。  
寶月光皇后。聖母元君。

至心皈命禮

紫金金闕。白玉玉京。住妙有之

境中處處玄真之天上。功成道備。故妙相卓冠於諸天。心廣體胖。故慈光徧燭於三界。位尊而上。極無上道妙而玄之。又玄真聖宗師。天人依仗。大悲大願。大聖

大慈。蒼穹聖主。玉皇大天尊。玄穹高上帝。

蒼穹世本概作穹蒼。顛倒。當是蒼穹。餘皆從此。

至心皈命禮

光嚴國內。妙樂土中。聖母凝神。夢於虛無。道君授玉質於恍惚。

慈愛和遜。弗貪萬乘之尊榮。忍辱仁柔。不憚億劫之修累。功高無比。德重難踰。大悲大願。大聖大慈。現無量功德之身。玉皇大天尊玄穹高上帝。

至心皈命禮

尊居帝位。高處天宮。徧遊於一切白玉京中。普現於十方黃金闕內。定而能應。去來自在。以無拘合而可分。變化圓通而莫測。



演清淨解脫之道。濟沈迷憂苦  
之徒。自然而然。非識可識。大悲  
大願。大聖大慈。現清淨自然之  
身。玉皇大天尊。玄穹高上帝。

至心皈命禮

昔為王嗣。苦建玄功。三千餘劫  
之修行。有如一日。億萬生靈之  
拯度。廣及十方。雖法身由胎臟  
之胚<sup>表</sup>暉<sup>運</sup>。諒聖體本道原之變化。  
不壞不滅。杳<sup>無</sup>亡杳存。大悲大願。

大聖大慈現神明堅固不壞真

空無上法身玉皇大天尊玄穹

高上帝

彌羅誥當移於此下按十聖誥終之以此拜禮已畢方懺悔發願豈有將誥隔斷中央懺悔語者乎

至心皈命禮

太上彌羅無上天妙有玄真境

渺渺紫金闕太微玉清宮無極

無上聖廓落放光明寂寂浩無

光故發字不若放字好當從放

放字世本作發字按經云放大光明又云玉帝放

音魁

宗玄範總十方湛寂真常道恢

漠大神通玉皇大天尊玄穹高

上帝

惟念此誥更宜焚表拜禮聖號九次

長跪懺悔

臣等自從無始劫。

無明煩惱覆真心。

常行殺盜與邪淫。

兩舌妄言並綺語。

誹謗大乘真正教。

鬪亂親朋離間人。

貪瞋癡暗縱三心。

喜怒哀惡增七慢。

歷劫罪根難記憶。

多生孽垢莫能量。  
皈依上聖大慈悲。  
發露真心伸懺悔。  
萬劫千生諸罪垢。  
願從懺悔盡消除。

將此身心奉上真。  
惟願罪根悉原宥。

至心發願

願眼常覩玉毫相。  
願耳常聞說法聲。

願鼻常嗅眾妙香。  
願舌常讚無上道。  
願身不染邪淫穢。  
願意常存正信心。  
發願上報四重恩。

發願下濟三塗苦。  
廣運慈悲憐一切。  
廣行方便度眾生。  
仰惟玉帝大慈悲。  
加護願心悉成就。

開經玄蘊咒

大哉元始。  
演清淨教。  
玄座說法。  
玉帝放光。

無量度人。  
登引天尊。  
寂然無聲。  
喜慶難言。

是為心傳。

亦曰天根。

大圓滿咒。

瑤章洞文。

集以成書。

敷落神真。

臣今東向誦願與天齊并存

亡俱證果永度愛河津

平聲八庚韻

并補明切讀

太上洞玄靈寶高上玉皇本行

太上洞玄靈寶高上玉皇本行

集經卷上 文昌較正

清微天宮神通品第一

道言道言世本概用爾時不知爾時乃集經之謂出自釋典道言乃起經之語本於道書作冒起通經之語皆從道言

元始天尊昔在清微天宮玉京

玉皇真經 上卷 一 聚仙文社

金闕七寶玄苑。

玉經之行不自今日用一昔字正見玉經訛錯之由

玉皇宮殿升光明座與無鞅數

眾宣說靈寶清淨真一不二法

門。

應運說法章第一

是時

玉皇尊帝與諸真聖飛天大聖

無極神王靈童玉女九千萬人

清齋建節侍在側焉

乘機與會章第二

真聖世本俱作天真文理不足當從真

聖為是



於是

玉帝知時欲至。即於會前舉六

通力。放大光明。徧照諸天。無極

梵刹。雜一切境界。皆大震動。十方

無極。一切世界。俱同琉璃玻流離波黎黎。

無有隔礙。

知時放光章第三

十方聖眾。並乘五色瓊輪。琅郎輿

碧輦。九色玄龍。十絕羽蓋。麟舞

鳳唱。嘯歌。嚙嚙。靈妃散花。金童

揚煙讚謠洞章浮空而來。

十方來集章第四

是時

梵天一切金仙。大乘菩薩。四眾八部。承斯光照。皆乘金碧飛雲。

玉輿九霞流景。慶霄四會。三辰

八字世本作入字訛也。湊音奏。八湊以應八方。坐印。

吐芳飛香。八湊旋遶道前。雨眾

妙花如雲而下。徧覆會前。

金仙普至章第五

是時

玉皇真經  
帝光徧照諸天。下燭十方無極。世界同玄都境。凡彼人間。上近九天。通接交連。至親至邇。凡彼下方。無極世界。山陵坡坂。溝澗溪谷。緬平如掌。六合至邇。三境

非遼。天寶臺殿。星羅人間。瓊瑤瑰玉。朗耀雲衢。規七寶欄楯。以界道路。玉樹仙花。穠璨珠寶。景秀丹田。芝草覆綿。時彼下方。皆見諸天。鈞天妙樂。隨光旋轉。自然

者非當從實字

助

情

厓

實字世本作實字

振響又復皆見鸞嘯鳳唱飛鳴

應節麟戲龍盤翔舞天端諸天

寶花零亂散落徧滿道路

光照十方章第六

是時凡聖駭異幽暗開光天人

麟戲龍盤為協世本概作龍戲麟盤夫麟何能盤龍何能戲其訛無疑看文義自明

悅慶踴躍懽欣凡夫學士盡得

飛昇仰觀劫仞寶臺俯眄紫雲

彌羅是諸世界一切人民咸臻

道炁白首皤面皆得化度紺髮

朱顏少壯幼穉轉增形容光澤

美好。苦惱。痊平。普蒙。解脫。安樂。  
快然。天下。歌謠。欣國。太平。

神通感效章第七

當爾之時。神風遐著。萬炁揚津。  
天震地裂。枯骨更生。沉尸飛魄。

起字世本作起字義通不若起字為協

皆起復形。鄴都鐵圍。長夜九幽。  
即時破壞。地獄苦魂。化生諸天。  
三惡道苦。一時解脫。時諸罪輩。  
以斯光力。得生十方。諸大天宮。  
枯朽化生。章第八

爾時

玉皇即分其身。徧於十方諸大  
天宮。令諸天宮自然化現。白玉  
為京。黃金為闕。七寶玄苑。大光  
明殿。具光明座。幢牀節翻幡蓋異寶

奇花徧布是處。

分身化現章第九

爾時

玉皇即以所分之身。徧於是處。  
白玉京中。黃金闕內。七寶玄苑。

大光明殿光明座上普為十方  
演說清淨解脫之道

分演妙道章第十

時化

玉帝各以無量天真大聖妙行

真人靈妃玉女侍列左右是諸  
玉女顏容姝妙相端嚴奇特天珍  
異寶莊嚴身相言音清徹眾所  
樂聞是諸玉女其身復出微妙  
解脫自然之香是香芬馥伏周徧

諸天極妙樂土及諸大地一切  
福處六道一切眾生聞是香者  
普蒙開度所謂天道人道魔道  
地獄道餓鬼道畜生道若諸天  
道一切天神天神世本作天人訛也蓋人處天下天上焉有人且朱註云或有能聞是此香

上天曰神本經天袖二字又雙見於後即此可悟是天神  
者五衰四相永得除滅轉增天

福若諸人道王臣兆庶或有能  
聞是此香者即得人天長壽之  
樂身或滅度即得脫殼尸解之  
道若諸魔道一切諸魔或有能



聞是此香者安處天宮。鬪戰之苦各得休息。若諸地獄道一切罪魂。或有能聞是此香者。離地獄苦。得淨土樂。若諸餓鬼道一切餓鬼等。字固通但上文一切畜生皆無等字。此處用一等字。未切餓鬼。或有能聞是此香者。即

按世本

免夾雜故刪之。

按渴惱二字雖是一義。而苦字為協且上下文

得飽滿無饑渴苦。若諸畜生道。

一切畜生。或有能聞是此香者。

脫畜生苦。得智慧樂。

聞香解脫章第十一

爾時諸生天罪眾。既得生是勝

天宮已緣承慈光攝受之故便  
得覺悟各各明了罪福因緣與  
諸眷屬作天伎樂來詣  
帝前是諸眾等各各含悲俱發  
聲言臣等前後經千劫萬劫不

見三光常處黑暗三惡道中多  
受苦惱伏蒙

上帝方便放光閱愍救我等皆生

天上是諸惡按孽字以此為是彼乃功業事業是好字孽悉皆滅盡無諸

繫滯皆得往生仰朝

義此造孽作孽乃歹字義一切善書經典皆訛現孟子曰天作孽猶可違細玩自明

上帝各到道前。是諸生天一切  
罪眾。說是語已。稽首復位。

承音覺悟章第十二

爾時

玉帝出大妙音。普告十方諸天

聖眾。汝等諦聽。此諸罪眾。曠劫  
以來。縱無明性。造十惡孽。六塵  
徧染。三孽榮縈。肆意任心。曾無  
覺悟。陰罪陽過。日積月深。背道  
違真。順邪棄正。舉心運念。動結

愆尤。遂使命過之後。身落三塗。按塗字  
訛。是此塗字。彼途者路也。此塗者黃泉下溼之地也。從水。  
不得解脫。若非今日遇是法會。  
何由出離。

妙音開度章第十三

爾時諸天化身

玉帝。即以神通不動其所。移接  
天人。皆令得至清微天宮。玉清  
聖境。  
元始會下。是諸眾等。不覺不知。  
是時

天尊及會眾等見是十方  
玉帝化身普皆來集

天尊會前如無邊明鏡照諸影  
像互相容入時諸大眾稽首瞻  
仰

玉帝化身聖中最尊增長清信  
益加志樂心無退轉起大堅固  
時諸天人邇得生天忽覩

天尊勝會道場清淨第一無為  
功德之所莊嚴踴躍歡喜一齊

齊字

按傳本作時字亦通然不如齊字收結諸天聖眾尤為妥協  
作禮歎未曾有

顯露法性章第十四

爾時十方諸化  
玉帝俱復一體坐法座中法筵  
清眾俱願欲聞

玉帝本行修證未敢議問  
於是

天尊普告四眾言往昔有國名  
號光嚴妙樂其國王者名曰淨  
德時王有后名寶月光其王無

嗣嘗因一日作是思維。我帝今將老國無太子身或崩沒社稷宗廟委付何人作是念已即便勅下詔諸道眾於諸宮殿依諸科教懸諸幡蓋清淨嚴潔廣陳供

養六時行道徧禱真靈已經半載不退初心忽夜寶月光皇后

太上道君下世本多衍數的文氣文理滯礙不貫適合參節去

夢太上道君安坐龍輿抱一嬰金

容兒身諸毫孔放百億光照諸宮

殿作百寶色幢節前導浮空而

來是時皇后心生歡喜。恭敬禮  
接長跪道前白。

道君言。今王無嗣。願乞此子。聖。為  
社稷主。伏願慈悲哀愍。聽許爾  
時

道君答皇后言。願特賜汝。是時  
皇后禮謝。

道君而乃收之。皇后收已。便從  
夢歸。覺而有孕。懷胎一年。於丙  
午歲正月初九日午時。誕於王。王宗



世本作帝字按妙樂國王非帝從王宮是

宮當生之時身寶光燄充滿王國色相妙好觀者無厭幼而敏慧長而慈善於其國中所有庫藏一切財寶盡將散施窮乏困苦鰥寡孤獨無所依怙饑饉癘

隆

殘一切眾生仁愛和遜歌謠有道化及遐方天下仰從歸仁太子父王加慶當爾之後王忽告崩太子治政俯念浮生告勅大臣傳位有道遂捨其國於普明

傳字世本作嗣字欠妥當是傳字嗣者授子也故太子踐祚曰儲君傳者傳賢也

如堯傳位於舜，舜傳位於禹，正見上皇不私王位之意。

香巖山中修道功成超度過是

劫已歷八百劫常捨其身為羣

字雖是尊重玉帝然義理不通故從身。

生故割愛學道於此後又經八

百劫行藥治病拯救眾生令其

安樂此劫盡已又歷八百劫廣

行方便啟諸道藏演說靈章恢

宣正化敷揚神功助國救人自

幽及顯過此已後再歷八百劫

顯

亡身殞命行忍辱故捨己血肉

如是修行三千二百劫始證金

仙號曰清淨自然覺王如來教。諸菩薩頓悟大乘正宗。漸入虛無妙道。如是修行。又經億劫。始證玉帝說是語已。法筵清眾異口同聲歎未曾有。

發明本行章第十五

爾時眾中有一玉女名曰夜光。從座而起。嚴整衣冠。從容雅步。長跪道前白。

按夙字不得通作宿字看此夙字是于也夙昔當從此夙凡人過

天尊言。臣夙昔何幸。仰侍御前。

親奉供養。已經億劫。三清境界。  
夜為宿隔世亦為宿他如宿有善緣宿性通明之類是此宿字  
金闕玉京。寂淡逍遙。快樂自在。  
嬉遊聖域。餐聽法音。未嘗見此。  
希有之事。不審向來。光內所現。  
十方諸天。變現聖境。皆有。

玉帝應化法身。天真大聖。妙行  
真人。靈妃玉女。以為侍衛。是諸  
玉女。相貌端嚴。形體姝妙。出眾  
妙香。無與等者。復蒙

玉帝神通移接。今皆普集在清

微天宮未審今此玉女以何因緣得證如是無上色身恩惟聖慈示以未悟爾時

天尊謂夜光玉女言汝固初入聖流雖有智慧未能明了此諸

玉女乃自往昔無量劫中修諸妙行具解脫門同清淨信同清淨解同清淨念同清淨行同清淨身同清淨心同清淨意同清淨果同清淨報同大慈心同大

按世本無宮字文氣煞不佳益之

悲心。覆護眾生。如母撫念。愛如  
赤子。奉戒專一。冥心大道。清齋  
宏誓。千萬劫中。尊奉

玉帝。此諸玉女。非實是女。皆天  
至真。為度羣生。現玉女身。是故

色身神通智慧。隱顯變化。與  
帝同焉。爾時夜光。聞是說已。心  
得開悟。稽首歡喜。默然復位。

表示貞一章第十六

爾時高虛清明天主。與諸天眷

屬馭八景鸞輿。廕九光寶蓋。奏  
玄歌妙樂。咏無量洞章。散天寶  
花。噴天真香。飛步遊空。來詣道  
前承  
天尊

玉帝威神之力。是諸寶花。即於  
空中。化一寶蓋。廕覆大眾。無不  
周徧。是時高虛清明。天主見此。  
希有。稽首長跪。白  
天尊

玉帝言賤臣懈怠後會法筵今日吉慶興此法橋幽顯聖凡普霑聖澤放大光明現希有相上照諸天四梵六慾一切樂土諸真聖眾眾字世本作象訛當是眾字觀此光明悉皆雲集下

照下方無極世界同玄都境近接九天靈風奏樂約宮商相和激朗雲庭皆成洞章一切眾生咸臻道化豐都鐵圍長夜九幽一切地獄受苦眾生盡承光力皆



生諸天得受快樂。今日所散天  
寶奇花。旋結成蓋。徧覆大眾。盡  
承斯光。威神之力。臣等千劫良  
因。九天運會。皇道蕩蕩。正法興  
隆。今日大吉。咸仰玄功。是時高

按承字世本作乃字義雖通不若承字為協。

虛清明天主以頌讚。  
按頌字世本作偈字不知  
偈字屬詩詞之類出自釋

典不若頌乃歌功頌德之詞且此下皆頌揚玉帝功德。

玉帝曰。

世本刻玄字不用一點原是避諱不知玉帝是天子父何諱之有故仍用一點。

金闕玄穹主。高上玉皇尊。

妙相冠諸天。慈光燭三界。

真聖妙道師。天人依仗師。

大乘垂法語。

真一指迷途。

功德若虛空。

讚揚無窮盡。

是蒼穹主。浩劫之尊。妙見妙知。

無等無倫。湛寂真靜。杳亡杳存。

上聖上靈。大神通。光明藏。大丈夫。

夫開化人天。教道無窮。大慈大

悲。流渙法輪。為度羣生。是號

玉皇。蒼穹真老。妙圓清淨。智慧

辯才。至道至尊。開度眾生。故放

是光。爾時高虛清明。天主作頌。

世本作演字說也。乃是放字。且本經云。放大光明。何得作演字。

作頌。世本作說。傷

放字。

讚歎已靜默而坐。

訛也當是作頌方與上頌讚一氣相貫

寶蓋廕覆章第十七

天尊復告四眾云是

帝身即道身也非常體也是無量功德之身是清淨自然之身

是神明堅固不壞真空無上法身威靈恢廓聲名周徧無幽不開神奇堂堂難可稱焉是帝非有為功德之所薰修昔雖下生人間多劫行化示大神通

玉皇真經  
帝身清淨。未嘗不在金闕。分身  
變化。應現隨方。利濟羣生。超昇  
道岸。普垂教法。開悟後人。依教  
奉行。登真成道。以斯功德之所  
積累。是故光明常徧諸天神智。

積累。世本作莊嚴二字。傳訛當是積累。蓋積累者。正積德累功之謂也。

度丈尺也。曰量斗斛也。

妙達莫可度量。是身光明皆具  
妙號。所謂大神通光。大慈悲光。  
大喜捨光。大忍辱光。大平等光。  
大柔和光。大自在光。大利益光。  
大如意光。大智慧光。大吉祥光。

大解脫光。大皈依光。大功德光。  
大圓滿光。大無礙光。無能勝光。

光明徵實章第十八

是故汝等欲見是  
帝而不可得者。緣以汝等尚於

身口不捨結習。煩惱行孽。由是  
障故。不能得覩是

帝慈顏。吾今為汝法會眾等。宣  
示斷障之法。汝等大眾宜各奉  
行。時諸大眾不勝喜躍。各於

至尊几前。稽首作禮。俱願欲聞。  
天尊言曰。斷障之法。當生大慧。  
按母字世本作無字訛也。此母字禁止之詞。當從母。  
毋起疑惑。毋起貪瞋。毋起淫慾。  
毋起嫉妬。毋起殺害。毋起凡情。  
毋起凡思。毋起昏垢。毋起聲色。

毋起是非。毋起憎愛。毋起分別。  
毋起高慢。毋起執著。凝神澄慮。  
萬神調伏。心若太虛。內外貞白。  
無所不容。無所不納。毋令外邪。  
亂其至道。牽失真宗。敗其靈根。

盜其至寶。致爾萬劫。永墮凡流。  
透入俗網。萬魔來攻。百千萬劫。  
不聞妙法。鬼神執誅。從生入死。  
是故汝等。應當至心。善護真宗。  
毋令喪失。如前所說。如是諸障。

汝等各各當除斷之。身得清淨。  
超度諸難。是名修道寶筏。持法  
棟梁。更當修奉。是此經典。如近  
是。

帝生尊重心。注想。

尊容稱揚  
尊號。然後汝等得覩  
慈顏。咸蒙護度。普聞妙法。親奉  
供養。永無輪轉。是時四眾聞是  
說已。歡喜踴躍。歎未曾有。

斷障見帝章第十九

太上洞玄靈寶高上玉皇本行  
集經卷上全





